



বাংলাদেশ দুতাবাস

ব্যাংকক

প্রেস বিজ্ঞপ্তি

নং ১৩৫

বাংলাদেশ দুতাবাস, ব্যাংককে যথাযোগ্য মর্যাদায় জাতির পিতা বঙ্গবন্ধু শেখ মুজিবুর রহমান এর ১০৪তম জন্মবার্ষিকী ও জাতীয় শিশু দিবস ২০২৪ পালন

ব্যাংকক, ১৭ মার্চ ২০২৪

বাংলাদেশ দুতাবাস, ব্যাংকক আজ যথাযোগ্য মর্যাদায় জাতির পিতা বঙ্গবন্ধু শেখ মুজিবুর রহমান এর ১০৪তম জন্মবার্ষিকী ও জাতীয় শিশু দিবস ২০২৪ পালন করে। অনুষ্ঠানের শুরুতে মান্যবর রাষ্ট্রদূত আনুষ্ঠানিকভাবে জাতীয় পতাকা উত্তোলন করেন। এরপর জাতির পিতা বঙ্গবন্ধু শেখ মুজিবুর রহমান ও তাঁর পরিবারের অন্যান্য শহিদ সদস্য, ভাষা শহিদ ও শহিদ বীর মুক্তিযোদ্ধাদের আত্মার শাস্তি কামনা এবং দেশের অব্যাহত শাস্তি ও সমৃদ্ধি কামনা করে বিশেষ মোনাজাত করা হয়। পরবর্তীতে মান্যবর রাষ্ট্রদূত জনাব মোঃ আব্দুল হাই জাতির পিতা বঙ্গবন্ধু শেখ মুজিবুর রহমান এর প্রতিকৃতিতে পুষ্পস্তবক অর্পণ করেন। উক্ত অনুষ্ঠানে দুতাবাসের সকল কর্মকর্তা ও কর্মচারী এবং প্রবাসী বাংলাদেশি কমিউনিটির গণ্যমান্য ব্যক্তিবর্গ উপস্থিত ছিলেন। অনুষ্ঠানে বঙ্গবন্ধু ও শহিদ বীর মুক্তিযোদ্ধাদের আত্মার শাস্তি কামনা করে এক মিনিট নীরবতা পালন করা হয়। দিবসটি উপলক্ষ্যে মহামান্য রাষ্ট্রপতি, মাননীয় প্রধানমন্ত্রী এবং মাননীয় পররাষ্ট্র মন্ত্রী কর্তৃক প্রদত্ত বাণী পাঠ করেন যথাক্রমে দুতাবাসের মিনিস্টার (রাজনৈতিক) ও মিশন উপ-প্রধান মিজ মালেকা পারভীন, এনডিসি, মিনিস্টার (কনস্যুলার) জনাব হাসনাত আহমেদ এবং কাউন্সেলর (ইকনোমিক) জনাব সারোয়ার আহমেদ সালেহীন। অনুষ্ঠানে দিবসটির উপর নির্মিত একটি ভিডিও চিত্র প্রদর্শন করা হয়।

আলোচনা পর্বে দুতাবাসের কর্মকর্তা এবং আগত অতিথিবন্দ জাতির পিতা বঙ্গবন্ধু শেখ মুজিবুর রহমান এর জীবন ও কর্ম সম্পর্কে আলোচনা করেন। দুতাবাসের মিনিস্টার (কনস্যুলার) জনাব হাসনাত আহমেদ তাঁর বক্তব্যের শুরুতে বঙ্গবন্ধুকে গভীর শ্রদ্ধার সাথে স্মরণ করেন। তিনি বঙ্গবন্ধুর শৈশব জীবন, ছোটবেলা থেকে তাঁর নেতৃত্ব গুণের বিকাশ, সহপাঠিদের প্রতি সহযোগিতা, শিশুদের জন্য বঙ্গবন্ধুর অসামান্য অবদান, বঙ্গবন্ধু কর্তৃক প্রাথমিক শিক্ষা জাতীয়করণ, শিশু আইন প্রণয়ন ইত্যাদি বিষয়ের উপর আলোকপাত করেন। এছাড়া, থাইল্যান্ড আওয়ামী লীগ এর সাধারণ সম্পাদক জনাব নেয়ামত আলী তালুকদার বাংলাদেশ কমিউনিটির পক্ষ হতে আলোচনাপর্বে অংশগ্রহণ করেন।

মান্যবর রাষ্ট্রদূত জনাব মোঃ আব্দুল হাই তাঁর বক্তব্যের শুরুতে হাজার বছরের শ্রেষ্ঠ বাঙালি জাতির পিতা বঙ্গবন্ধু শেখ মুজিবুর রহমান, ভাষা শহিদ ও শহিদ বীর মুক্তিযোদ্ধাদের গভীর শ্রদ্ধার সাথে স্মরণ করেন এবং তাঁদের আত্মার মাগফেরাত কামনা করেন। তিনি জাতির পিতা বঙ্গবন্ধু শেখ মুজিবুর রহমান এর জন্মবার্ষিকী ও জাতীয় শিশু দিবস উপলক্ষ্যে উপস্থিত সকলকে শুভেচ্ছা জানান। মান্যবর রাষ্ট্রদূত তাঁর বক্তব্যে বাংলাদেশের অভ্যন্তরের পরপর একজন শিশু হিসেবে বঙ্গবন্ধুকে কীভাবে কাছ থেকে দেখেছেন তার স্মৃতিচারণ করেন। তিনি জাতির পিতা বঙ্গবন্ধু শেখ মুজিবুর রহমান কর্তৃক শিশুদের প্রতি ভালবাসা, শিশুদের মধ্যে বিনামূলে বই বিতরণ কর্মসূচি, বঙ্গবন্ধুর সর্বকনিষ্ঠ পুত্র শেখ রাসেলকে নিয়ে বঙ্গবন্ধুর জাপান সফর ইত্যাদি বিষয় তুলে ধরেন। এছাড়া, বঙ্গবন্ধুর ‘অসমাপ্ত আজাজীবনী’ এবং ‘আমার দেখা নয়া চীন’ বই দুটির শিশু সংস্করণ প্রণয়ন করা হবে মর্মে তিনি আশাবাদ ব্যক্ত করেন।

উল্লেখ্য, বাংলাদেশ দুতাবাস, ব্যাংকক কর্তৃক আজ জাতির পিতা বঙ্গবন্ধু শেখ মুজিবুর রহমান এর ১০৪তম জন্মবার্ষিকী ও জাতীয় শিশু দিবস ২০২৪ উপলক্ষ্যে প্রবাসী শিশু কিশোরদের জন্য চিরাংকন এবং বঙ্গবন্ধু ও বাংলাদেশ সম্পর্কিত কুইজ প্রতিযোগিতার আয়োজন করা হয়। এতে থাইল্যান্ডে অবস্থানরত প্রবাসী বাংলাদেশি শিশু কিশোরা স্বতঃস্ফূর্তভাবে অংশগ্রহণ করে। প্রতিযোগিতায় প্রথম, দ্বিতীয় ও তৃতীয় স্থান অর্জনকারীসহ প্রত্যেক অংশগ্রহণকারী শিশুকে পুরস্কার প্রদান করা হয়। এরপর সকল শিশু কিশোরকে সাথে নিয়ে মান্যবর রাষ্ট্রদূত কেক কেটে জাতির পিতার জন্মদিবস উদযাপন করেন। উক্ত অনুষ্ঠানে প্রবাসী বাংলাদেশি শিশু কিশোরদের মাঝে বঙ্গবন্ধুকে নিয়ে তৈরি অ্যানিমেশন চলচ্চিত্র ‘‘মুজিব আমার পিতা’’ প্রদর্শন করা হয়।

অনুষ্ঠানটি সঞ্চালনা করেন যথাক্রমে দুতাবাসের কাউন্সেলর ও দূতালয় প্রধান জনাব মোঃ মাসুমুর রহমান এবং কাউন্সেলর (রাজনৈতিক) জনাব নির্বার অধিকারী।

